

SAOPŠTENJE:

Prvi dan škole

Addiko Bank d.d. Sarajevo: Tradicionalno slobodan dan za roditelje prvačića, ruksaci i školski pribor za mališane



Addiko Bank d.d. Sarajevo i ove godine nastavlja lijepu tradiciju kojom simbolično obilježava početak nove školske godine. Svim zaposlenicima koji imaju djecu prvačiće omogućeno je **plaćeno odsustvo na prvi dan škole** kako bi ovaj važan trenutak proveli sa svojim mališanima.

Pored slobodnog dana za roditelje, Addiko Bank je i ove godine, **već sedmi put zaredom**, pripremila ruksake i školski pribor za sve prvačiće svojih zaposlenika. Ova praksa predstavlja konkretnu podršku porodicama u važnim životnim trenucima, ali i potvrđuje posvećenost Banke usklađivanju poslovnog i privatnog života.

„Polazak u školu jedna je od životnih prekretnica koje se pamte zauvijek. Vjerujemo da prisustvo i podrška roditelja u tim trenucima djeci znače mnogo. Kroz ovakve inicijative želimo doprinijeti stvaranju zajedničkih uspomena koje ostaju urezane u sjećanju“, istakla je Suzana Tihi - Babić, Direktorica sektora razvoja ljudi i korporativne kulture.

Iz Banke ističu da su ponosni na vrijednosti koje njeguju, od autentične korporativne kulture do konkretnih mjera koje, kako navode, motivišu i druge poslodavce da prepoznaju važnost porodičnih trenutaka i podrške zaposlenicima.

Back to School pogodnosti za sve korisnike

Kao dodatni doprinos pripremama za novu školsku godinu, Addiko Bank je pokrenula **Back to School kampanju** u saradnji s knjižarama „Svjetlostkomerc“, u okviru koje korisnici Addiko kartica ostvaruju **popust od 20%** na kupovinu školskog pribora (osim udžbenika).

Dodatno, korisnicima Addiko Mastercard kreditnih kartica omogućena je i dodatna pogodnost: sve transakcije u iznosu većem od 50 KM moguće je podijeliti na do tri rate bez kamate i naknade putem Addiko Mobile aplikacije.

Kampanja traje od **15. augusta do 30. septembra 2025. godine.**

Više informacija o kampanji dostupno je na zvaničnoj web stranici Banke www.addiko-fbih.ba ili putem besplatnog info broja 0800 2 0206.